

靈寶無量度人上品妙經卷之二十九

元九

靈寶无量度人上品妙經卷之二十九 亮

降真延壽品

道言昔於始青天中碧落空歌大浮黎土受  
元始度人降真延壽至極道品元始天尊當  
說是經周回十過以召十方始當詣座天真

大神上聖高尊妙行真人降真延壽福德神  
王開化司命定生道君護人靈宰十方真神  
無鞅數衆乘空而來控辰紫清凌颯碧落丹  
霞薦輪綠景繞轅天蓋結瑞仙葆奏香神光  
絳彩六氣和積虛梵空无七日七夜諸天大

聖高真境界凝現宮殿譙闕光毫四飛法鼓  
仙音自然鳴響韻律清應萬穴千喁容神風  
飄搖日月騰照合辰雙景洞映九天星妃攀  
網肆容玉帝建常攝氣萬方昭徹三界澡瑩  
一國地土山川林木谿澗洞海混離金色各  
玄九  
有真仙正容拱立冕服其下遙瞻遐眄若有  
待期神闕穹樓巍碧聳黛天花雨飛錦繡敷  
圍衆真侍座元始天尊玄坐萬寶天宮結珠  
翔龍之上說經一遍十方天真應聲降駕同  
時稱善爲世學真長延壽命是時一國男女



皆具六通變化自然說經二遍真念通格天  
皇俯降說經三遍湛海不波龍宮明現說經  
四遍天隕紺霜地生紫柰供養降真說經五  
遍業病性魔道中法結皆得玄通神智開爽  
說經六遍永住道梵不緣報盡而有退墮

經七遍能運心香遍諸仙國迎降十方三境  
天尊延壽度人說經八遍靜觀三界萬類衆  
生皆是天仙高真應化法身立功護國降請  
真靈延壽度人說經九遍見諸雲林竒妙壇  
靖悉有上真降身說法延壽度人說經十遍

欣樂讚禮實未曾有元始上帝躬宣法要爲  
此群生延壽降真是時一國是男是女莫不  
傾心皆受護度咸得長生

道言是時元始天尊說經一遍東方降真延  
壽至真大神無鞅之衆浮空而至說經二遍

玄九

南方降真延壽至真大神無鞅之衆浮空而  
至說經三遍西方降真延壽至真大神無鞅  
之衆浮空而至說經四遍北方降真延壽至  
真大神無鞅之衆浮空而至說經五遍東北  
降真延壽至真大神無鞅之衆浮空而至說



經六遍東南降真延壽至真大神無鞅之衆  
浮空而至說經七遍西南降真延壽至真大  
神無鞅之衆浮空而至說經八遍西北降真  
延壽至真大神無鞅之衆浮空而至說經九  
遍上方降真延壽至真大神無鞅之衆浮空  
而至說經十遍下方降真延壽至真大神無  
鞅之衆浮空而至十遍周竟十方降真延壽  
至真大神一時同至一國男女傾心歸仰來  
者各執花幡寶衣珍果香林妙供讚詠而來  
奉禮元始天尊願聽降真延壽度人上清十

方天人至真大神一國男女各自思惟天尊  
大慈開我冥暗顯示法要爲下方衆生宣說  
道要請降上真增延壽命我等天人雖以道  
業進登天位而南昌上宮亦繫限數壽年雖  
永不過百千萬歲而未能出離三界保天長

玄九

三

存身入無形不歷生死我今欣聞天尊首爲  
太上道君出度人上法降感真靈真靈下濟  
延人壽命我等位登諸天益當樂信是法依  
教修行躋於聖道永不輪轉如是讚歎議說  
一切音聲遍十方界猶如隱雷風雨飄驟金



石交音震動天地五嶽八海十二神山煙凝  
波湧獅子躑躅鸞鳳吟嘯龍澤露池雲濤宛  
轉碧落薦瑞翠京發光於是元始即於座起  
命侍真靈妃太極玉郎燔鬱單无量壽天蘭  
薇千和之香鼓動法音簫篥吸張匏箎遞舉  
顧眄十方告太上道君十方天人言降真延  
壽之法已居聖位竟亦爲之真中有真此真  
主攝萬真爲三界化主我今燔香頂禮以蘄  
感降真既降接神氣合真真神歸體壽命永  
延壽者天德之和道壽無數天壽有窮人壽



無定地壽有終若能降真真與道通壽則無  
數所謂長生久視壽曆無極萬歲咲笑億齡  
合歡作是語已頂禮十方心拜道元忽覩空  
玄之中光輝遍溢碧玉遊宮鬱藹臺殿萬聖  
千真棲息其間往來雲霞駭駕龍虎遙矚鬚

眉仰觀如畫明逾日輪熠燿上下金剛之氣  
圍繞維正作二十四種殊絕異色出沒顯晦  
金青煥麗瑩等月珠元始登引天真大神上  
聖高尊妙行真人十方无極降真延壽至真  
大神俱入遊宮之中上下天人俯仰瞻望惟

見拂拂從寶樓瑤闈中八道而入既入遊宮  
不知所在國人廓散地雲柔軟軟若蹈綿纈  
天雨衆花雜色盈尺壅輪沒履香風洗空絳  
光流動元始即於神宮之內說經都竟衆真  
監度以授於我當此之時喜慶難言法事粗

玄九

四

悉諸天復位倏歛之間寂無遺響是時天人  
遇值經法普得濟度延其壽年無有中傷傾  
土歸依咸識道真延壽延神延氣延靈延法  
延形延息延化延福延祥言無二情口無僞  
聲齊同慈愛異骨成親國安民豐劫劫太平



經始出教一國以道預有至心降真延壽皆得度世

道言元始天尊說經中所言並是諸天降真內名隱韻之音亦皆延壽內諱百靈之隱名也非世之常辭上聖已成真人通玄究微能

悉其章誦之十過則玉清降真神霄命靈天帝誦之以延劫真人誦之以延神上聖誦之以延道仙人誦之以延曆諸天遙降十華俯庭河海澄湛山嶽深凝日月合景太儀眇清群魔束形鬼精滅爽回屍起死白骨成人至



學之士誦之十過則五帝駐輦三官在賓上  
真接禮靈人造局魔精竄伏鬼袂伏形濟病  
度死絕而得生所以爾者學士故氣已消神  
漸降真召制十方延壽千齡攝御地司泉曲  
令丞五九削落玄簡過度之名延期却死道備長  
生輕誦此章身則被殃五供養尊禮門戶興隆  
世世昌熾與善因緣萬災不干神明護門斯  
經尊妙獨步玉京度人无量為降真延壽之  
宗巍巍大範德難可勝

道言凡誦是經十過諸天齊到司命司錄延

壽益筭南昌大神爲其降真揚軒紫雲偃蓋  
下邁錄其姓名注上生籍延壽無垠五鬼大  
殃注訟元辰不得干犯降真之人而好學至  
經功滿德就皆得神仙飛昇金闕遊宴玉京  
也上學之士修誦是經能降天真皆即受度  
飛昇九宮世人受誦則感降神靈延壽長年  
後皆得作屍解之道神氣易形出幽入冥返  
閉天藏洞入無形此經微妙普度無窮一切  
天人莫不受慶無量之福延生保惠上天所  
寶不傳下世至士齋金寶効心盟天而傳輕



泄漏慢殃及九祖長役鬼官降真延壽玉童  
玉女各二十八人營衛神文保護受經者身  
道言正月長齋誦詠是經感降東方九炁青  
皇帝君斷絕連注鬼役呼徵身得延壽度名  
青皇宮七月長齋誦詠是經感降西方七炁  
太素帝君斷絕殃考傷害沉痾無留身得神  
仙刻書黃籙白簡削死上生十月長齋誦詠  
是經感降北方五炁玄老帝君斷絕水禁塚  
墓訟刑風濕邪源追考生魂爲國王帝主君  
臣父子延壽長年保天長存世世不絕常爲



人君安鎮其方國祚太平八節之日誦詠是  
經感降八景高聖太上丈人斷絕鬼厲殞毒  
三十六瘵野道不行五酉逃形得延壽命為  
九宮真人本命之日誦詠是經感降六甲靈  
妃三皇道君斷絕行年太歲大煞凶害諸神  
不得干犯受道者身魂神澄正萬氣長存不  
經苦惱身有光明三界侍衛五帝司迎萬神  
朝禮名書上天功滿德就飛昇上清

玄九

六

道言行道之日皆當香湯沐浴齋戒入室  
東向叩齒二十八通上聞二十八天心拜

二十八過閉目靜思身坐青黃白三色雲  
氣之中內外翳冥有青龍白虎朱雀玄武  
獅子白鶴羅列左右日月照明洞渙室內  
項生圓象光映十方如此分明密呪曰  
无上玄元太上道君召出臣身中三五功曹

左右官使者侍香玉童傳言玉女五帝直符  
直日香官各三十六人關啓所言今日吉慶  
長齋清堂修行至經无量度人願所啓上徹  
徑御

无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章降真延壽妙微靈品十  
遍度人諸天隱韻離合自然混洞無形空相  
冥冥元氣未生孰有其真真者太空之中生  
化之主不變不易無壞無成金剛成體空得



其真真爲司命校錄萬靈真爲天尊布教留  
經真爲寶皇福祿生民真爲延壽爲世種情  
真爲益筭布局命神如是天真爲空中之神  
冥中之精道中之真赴念隨感珠輓鳳斬首  
建九色身御金青駕氣乘雲萬千吏兵爲世

玄九

七

延壽注上生名上無復祖惟道爲身能降天  
真命壽日增過度九六神氣通靈無真不光  
無真不明無真不立無真不成無真不度無  
真不生是爲大梵真中之真碧虛圓羅金闕  
玉城上極神風重霄紫庭真本非形若亡若

存太霞玉宮中有至真大行梵氣周回十方  
中有度人不死之神中有南極長生大君中  
有度世司馬大神中有好生韓君丈人中有  
南上司命司錄延壽益算度厄尊神降真延  
壽无量度人今日校錄諸天臨軒

東方无極降真延壽神王長生大聖无量度  
人

南方无極降真延壽神王長生大聖无量度

人

西方无極降真延壽神王長生大聖无量度

人 北方无極降真延壽神王長生大聖无量度

人 東北无極降真延壽神王長生大聖无量度

玄九

人 東南无極降真延壽神王長生大聖无量度

人 西南无極降真延壽神王長生大聖无量度

人 西北无極降真延壽神王長生大聖无量度

人 西北无極降真延壽神王長生大聖无量度



人北天欽躬真延壽神王長生大聖无量度  
上方无極降真延壽神王長生大聖无量度

人南天欽躬真延壽神王長生大聖无量度  
下方无極降真延壽神王長生大聖无量度

人南天欽躬真延壽神王長生大聖无量度

十方降真延壽福德神王長生度世无量大神  
神並乘景霄碧霞寶輦珠蓋彤輪驂駕神虎  
赤甲飛龍建九光之節八景靈幡前嘯天籥  
齊唱後吹仙籟同鳴辟邪斑虬悲號嘶嘶五  
帥啓途三界奉轅億乘萬騎浮空而來赴誠

降駕延壽度生諸天丞相南昌上宮韓司主  
錄監生大神執錄把籍齊到帝前隨所應度  
嚴校諸天普告三界无極神鄉司命之府延  
壽益筭降真大神二十八宿北斗九元上解  
祖考億劫種親疾除罪殃播植生根高真下

玄九

九

應開度生門元始符命時刻昇遷長生大君  
垂護形魂制魔保舉延壽南宮氣骨受仙道  
德化身生身受度劫劫長存隨劫輪轉與天  
齊年永度三官五嶽八獄九幽超凌三界逍  
遙上清上清之天天帝玉真無色之境梵行

東方七天

靈書降真之氣起華蓋斗樞之下回行二十八宿之上在房宿二十七度左回貫四種民天下在日月之上散入諸天已次東行復位西北而止近世執法端門左右應數而下與風炁相接故通真感格須有徵應者此也

大明護真天

帝圓多羅

絕梵猷靈天

帝康期伯靈

胡樂萃秀天

帝茂純德盈



紫丹明儲天

帝丘無那

洞霞育真天

帝赤仰師和

空玄歷數天

帝仲光享波

僑通諸普天

帝翰童離

南方七天

炎輿正始天

帝助覺正功

京維霄明天

帝蒲鈇宛宗

慶符濮擅天

帝溥滋師蒙

隨文希度天

帝耀明芝修

長基樂玩天

帝朝斯元堂

祈華布容天

高凌代无天

西方七天

周俞平无天

景炎太真天

玄九

綠井數陳天

牛羅普逝天

定梁惠宗天

兆靈蘇寂天

九微洞皇天

帝元定黃

帝通孫章

帝澄占回

帝道无明維

十

帝除彥荒施

帝時祇洞芝

帝南白温宜

帝梵初光

帝知極用藏

北方七天

帝舒光淨天

帝鬼都玉蒼

紫儀寂化天

帝叱羅焰千

至定允理天

帝醮生玉完

光梵救智天

帝圖定九空

虎勲正部天

帝十華竟多

伯燕無原天

帝部單憂婆

道冥混杳天

帝末都成盧

二十八天二十八帝諸天隱諱諸天隱名天

中空洞自然靈章諸天隱韻天中之音天中



之尊天中之神天中之真天中之靈分神降  
真和合氤氲真神高尊降駕上清無量之奧  
深不可詳有知降真延壽度人今日欣慶受  
度歷關諸天注簡誠通徹感幽玄飛降九真  
泛景太玄三真監舉昇入天門東斗主筭西

玄九

十一

斗記名北斗落死南斗上生中斗大魁度人  
降真青帝奏書白帝破券赤帝露文黑帝紀  
願黃帝開通道真合變青天命神越玄九冥  
赤天火鈴斬伐魔魂白天操戟嚴陳帝救黑  
天總靈萬萬神兵黃天布炁列真齊至五天

上真萬神之尊飛行三界驅役雷霆揚旗擲  
火九醜奔驚降真延壽福德安榮盡摧鬼鋒  
諸天齊功上天度人蕩滅北酆冥官鬼庭殺  
氣橫空仰降高真五華蔚惹八海練淨六天  
沖融天帝按籍上卿典封紫皇注壽億劫齊  
終後役電吏前催驛龍敢有干試拒遏上真  
騁煙絳房舞輪北清真降玉符易質童嬰上  
偕帝友刻位丹瓊搖光熒熒碧杳萬程中列  
九宮協宸玉京續益生氣靈機內營恍惚變  
化躬接仙真司命秉筆帝君授經壽命無窮



萬神咸聽三界五帝列言上清

太光沉謐萬劫開光眇浩非迹混氣成空空  
無復色空無復淵空極生風風降爲澤風澤  
洞虛天中之天天中之神神爲天真降氣運  
神天地用成三界爰立萬象容停天上天下

無幽無冥無形無影無極無窮溟滓大梵遼  
廓無光神真布化運度自然元始安鎮雲霞  
結篇九天虎篆八威龍文植化靈人格降上  
真真道流行萬範開張真光洞流二十八天  
轉輪宸樞周回十方旋斗遶垣還度天端二



十八舍總氣北元輝映冥合真景通玄玄中  
太皇上帝高真泛輿景霄時來帝庭撫璈激  
音奏響雲營翩翩羽旗列聖來賓注命玉曆  
延壽度生氣具神備自然成真真中有神長  
生大君左神公子皓華尊神帝一輔皇神母

女九

十二

弼卿儼坐三宮保命生根真氣下接壽命日  
增上遊上清燕息金房九曲之內細微之中  
下鎮人身泥丸絳宮中總道空混沌洞神真九  
孔受靈萬氣齊仙仙道貴生无量度人出入  
天門俯車統膽巾檢閱人世罪福禁戒宿命

因緣普受開度鬼質生身身得受生上聞諸  
天諸天之上降真有門中有空洞謠歌之章  
三真靈篇辭參高真

第一玉清上真金景明微大帝三華  
之音

玉京浩浩

玄漠何有

雲層業業

星隱春曰

下上其神

沖和為春

跼芽自伸

真道斯陳

第二上清上真神景洞微大帝九華

之章

我乘八風

裊裊飛龍

下觀世間

光青瞳矐

彼維何人

企我神宮

騁輪夜過

寵福濛濛

第三太清上真玉景靈微大帝十華

之歌

玄九

十三

壽定天籙

我執其目

降真奏煙

駐鳳流軒

玉女灌香

錫命億年

子未知真

道去子身

此三界之上飛空之中三真歌音音參洞章  
誦之百遍名度南宮誦之千遍三真保迎萬



遍道備飛昇太空過度三界位登仙公有聞  
靈音天真記名敕制地祇侍衛送迎拔出地  
戶五苦八難七祖昇遷永離鬼官真人降堂  
壽窮更生是謂無量普度無窮有祕上天文  
諸天共所崇泄慢墮地獄禍及七祖翁

道言此洞章並是諸天上帝及至靈真王隱  
祕之音皆是大梵之言非世上常辭言無韻  
麗曲無華宛故謂玄奧難可尋詳上天所寶  
祕於玄都紫微上宮依玄科四萬劫一傳若  
有至人齋金寶傾心依舊格告盟十天然後

而付焉

道言水火激射二運否終宿次星躔亦有虧  
盈至聖神人亦有遷邈末學之夫亦有疾傷  
凡有此災同氣皆當以此降真延壽之法於  
名山靈水之間大林東流之側齋館靖堂之  
所建立壇場香花禮念依教行持乞降三境  
高真十方聖衆九天兵騎捍厄除過延壽益  
筭大神三日五日七日夜亦如之天真來降  
必先垂應當有異光白鶴天樂竒特之瑞或  
夢遊天闕親遇神人殊感日臻災殃退弭延



壽添年長生得道或世緣重大無力營崇但  
皆齊心修齋六時行香十遍轉經福德立降  
消諸不祥無量之文普度無窮

道言夫末學道淺或仙品未克運應滅度身  
經太陰臨過之時同學至人爲其降真緣感

玄九

十四

未應世數終盡天賜之壽未得延益祈告殫  
竭威神不格者即當行香誦經十遍以度屍  
形如法魂神經上南宮隨其學功計日而得  
更生還復故形而所延之壽併受於身真氣  
來降滋澤顏嬰轉輪不惑便得神仙



道言壽者天委之和原其始生即天官推策以定壽筭陰福添益陽過滅除一筭之軌準爲三日筭於人壽一百二十過者千二百而天地日月四時陰陽皆有分畔若有災怪勃蝕爲其降真而壽筭益延保天無窮也若有災殃兵氣干斗疫毒流行兆民夭傷師資法侶命過運終皆當祈降真靈乞延壽命鍊度屍魂回殃轉福夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度世人

道言凡有是經能為天地帝主兆民行是功  
德有災之日發心修齋燒香誦經十過皆諸  
天降真萬神侍衛延壽度人尅得為聖君金  
闕之臣諸天記人功過毫分無失天中仙真  
亦保舉爾身得道者乃當洞明至言也

玄九

十五

諸天中大梵隱語无量音  
元始降真延壽玉文靈篇

道君撰

東方七天

角龍浮羅 晶儀辨訶 帝觀下漠  
淵濟侔和 景梵延鬱 慶煙散那



子騫影霞

鍾猷夢安

攬池煙施

離箕盪戈

宛巖玉真

帝錫宏魔

婁都乾虛

正軫玄阿

赤文洞霞

綠蒼无峩

南方七天

丘峯肆機

約謹遲微

仙湊皇偃

毗藍定基

岐原天孤

紫煙歷迷

普九營室

井鬼明夷

斬戮豐酉

太空眇微

落元嘯然

神父泉扉

洞爽澤涸

古鈴合持

陋丙演著



欽稽緣時

西方七天

朝謀彥期

稼婁權尼

法延鬼房

碑眉無宜

禁直南阜

暉滇牛奎

鑿落蔚仰

輔規拒衣

公由因燕

威殿皓龜

紅微境允

虎標司披

黨求洞基

智竭名夷

穹羅崿元

龍晃艷救

北方七天

閣路治斗

星張入柳

馬格火涵

潛靈縛醜

句魁四張

官女元首

玉嶽繞河

曲參降酉

符運赤天

雷轟九浮

蕩魔鉞鼎

兵圖駢遊

玄雲日陀

月梵母圭

都天可韓

攝豐珍連

玄九

十六

道言此諸天中降請三真十方仙聖延壽益  
年大梵隱語无量之音舊文以丹金刻書辰  
樓天蓋之下回旋詰流支霞析煙天真皇人  
仰而傳之以為正音有知其音能齋而誦之  
者諸天皆遣飛天神王下觀其人不履犯道



禁世殄即天真立降五帝奉筆書其功勤延  
壽續命上奏諸天萬神朝禮地祇侍門大勲  
三官保舉上仙道備尅得遊行三界昇入金  
門此音無所不辟無所不穰無所不度無所  
不成天真自然之音也故誦之致飛天下觀  
上帝遙唱萬神朝禮三界侍軒群袂束首鬼  
精自亡真衛遄集天駕停驂風沉煙空玉響  
振清大量玄玄也

元始无量度人上品妙經卷之二十九





